

Dependentzian bizi gara

MARTIN UGALDE



GIZAKIAREN sen bereziena askatasunari dagokiona da, bere historia, askatasunaren kronika besterik ez baita; bestalde, gizon honek haginkerian seta beraz aritu den beste norbait izan du beti aurrean. Herri mailan, berriz, ezaguna da Erromaz gero bizirik irauteko gureak egin behar izan duen borroka latza; txikia delako, eta alboetan inperioak eraikitze lanen poderioz harrotu eta sartaldean kabitzen ez den Eguzki famatu hark oraintsu begietan «cara al sol» jo eta gero ere despotismoan gure herriaren hizkuntza eta eskubide naturalaren aurkako eraso ez da amaitu. Orain ez dira aintzina bere mende zeukaten triangeluko begibakarra zen Jainkoaren izenean ari («hori atzo»ko Antiguaia da!), edo Armadako Legearen aginduz (Demokrazian bizi gara!), edo munduko legea halaxe zelako denentzako (eta batez ere guretzat!). Eta azkenaldi berri eta «progre» honetan ere ez dute konstituzioz emandako Estatutua bera ere soka apur bat luzatzeko besterik erabiltzen; beti geu gara atzeratu, zeken eta berekoi... Bitartean, mundua bere bidetik dihoala, gutxien uste dugunean, eta dutenean!, azken juizioan bezalako tronpetak jo du «munduko pobreen» askatasunaren alde..., eta nondik, eta abesti horren arri-moan askatasunaren aurka gogorren, zuhurren eta mixerableen ekiten zuten SESBetik bertatik; esklabu ziren gizon eta herriek, denek batera, eten dituzte lokarriak eta hautsi zepoak. Eta, hala, azkenean, herenegun goizeko hamarretan, gosalduta eta gero, PSOE-PSEko bozeramale den Rosa Díez andereak aurikusi du gure etorkizuna: «Soviet Errepublikak Sozialisten Bata-sun»ean gertatzen ari den prozesuak ez du Euskadin inongo eraginik izango.

Gaitza

JON SARASUA



KONPARAKETA deserosoak planteatu ere ez dira egin behar, komeni ez denean. Horregatik da esanguratsua politikari eta hedabide espainiarrek ekialdeko eta hemengo nazionalismoen lotura gezurtatzen izan duten presa. Ez daude ziurregi eta badaezpada jendea aurretik mentalizatu nahi. Azkena, telebista pribatu baten informatiboan ikusi dut. Aholku ematen zien aurkezleak Kataluniako eta Euskal Herriko abertzaleei gerraren mamua aipatuz, eta bukarran, hitzik gabe, Jugoslaviako tanke eta tiroen irudiak.

Bego lasai Antenatres. Ez da kanpotik antidotorik etorriko, gaitza berezkoa dugu eta. «Ba gara ala ez gara?» bezalako galderei erantzuteko gaitasunik eza. Buruan eskizofrenia. Eta buruen Buruena. Eta Buruen Batzarrarena. Gehienok ukitzen gaituen konplexua, zenbaitengan patologia larria. Genetikoa da, ez birusa. Horrelako pertsonalitate batek jakingo du Baltikoa non kokatu ere. Deskuidoan aldaketa haundiegia bada eta non kokatu ez badaki, orduan zeozer. Abuztu epela izan da, zalantzarik gabe. Merezi luke segida.

•egin

Homologatuak

Orain berdinak dira. Ahalmen eta metodoetan. 'Bel-tzen' orain arteko ekintzak atzokoan erabat sendotu egin ziren estrategian. Horrela bada, Polizi Autonomoaren irudia berdintuta agertu da iritzi publikoaren aurrean, lortu berri duen sinesgarritasunarekin, iritsi du baita ere balioztapen berdina euskal gizartearen estamentuen aurrean. Garaipena batzuentzat, porrota beste batzuentzat, eta etorkizun kezkagarria guztiontzat.

JUAN MANUEL
IDOIAGA / 1991-VIII-31

•Diario 16

Ertzaintzaren kolpea ETaren aurka

Orri hauetatik betidanik esan da terrorismoaren aurkako bokorra aldatu egingo zela euskaldunak beraiei erantzukizunetaz ohartzera-koan. Eta horrela gertatzen ari da. Klase politikoak, azkenik, ulertu egin du eta hor dago Ajuria Eneako paktua, hain ondorio onak izaten ari dena eta oraindik apurtu ez dena, ekaitza bat edo beste sortuagatik, autobidearena esaterako. Hor dago baita ere, gizartean gertatu den aldaketa, eta beharbada hor legoke okergunerik larriena, talde

terroristak bere ekintzaren bat burutzen duenean hiritarrak kaleratzen direnean. Azkenik, Polizia autonomoaren eraginkortasuna azpimarratu beharra dago. Ertzaintza ez zen oso begi onez ikusten Madrileko zenbait girotan, hasiera batean. Denborarekin prestutasuna eta eraginkortasuna erakutsi du bere ekintzetan. ETaren aurrean behin baino gehiagotan ordaindu izan du odolarekin.

EDITORIALA / 1991-VIII-31

•EL MUNDO

Ertzaintzak hildako lehen ETakidea

Ez da Euskal Polizi Autonomoak burutu duen lehen ekintza ETaren aurka. Baina Ertzaintzak hil duen lehen ETakide honen ondoren, askok ikusi ahal izango zuten hainbeste bider ETaren borrokari buruz esandakoak, hots, «atzerriko indar polizial zapaltzaile eta Armada erasotzailearen» aurka bakarrik iharduten duela, jadanik ez duela egungo errealitatearekin zerikusirik.

Heriotz horrek, besteak bezain tamalgarria, bestetan baino indar handiagoarekin eta argiago ikusten utzi du ETaren biolentziaren kalte-turik nagusienak euskaldunak eta euskal gizartea baino ez direla.

EDITORIALA / 1991-VIII-31



AMENOFIS / EL CORREO ESPAÑOL / 91-VIII-31

•ABC

Ertzaintza ETaren aurka

«Esan beharra dago espainiar askok ez duela oso begi onez ikusten Ertzaintza. (...)

Eta ez da bere ahalmen teknikoetan konfidantzarik ez dutelako, ez eta Estatuko poliziaren laguntzaile eta gehigarria eta horiek bezala, konstituzio ordena eta legalitatearen defendatzaile ez izatearen beldur direlako, baizik eta milizia nazionalistaren ondorio direlako, erabat ideologizaturik eta Eusko Jaurilaritziari edo bertako edozein partaideri

errentagarria gerta dakioken helburuei erantzuteko prest egon daitekeelako. Gogoeta horrek gogorregia dirudien arren, ez aipatzea hipokresia desitxuratzaila litzateke.

Ziur gaude 'Bizkaiko komandoaren' aurkako ekintza ausartak, Espainiako hiritar askoren aurreritziak aldarazi egingo zituela. Horrela bada, bereiztasun faktorea izango ez den euskal nazionalismo osasuntsuaren esperantza zabaldu da, Espainiako helburu handien alde elkarlanean eta Espainiako pluraltasun demokratiko nazionalaren integrazio osagarri aberatsa.

EDITORIALA / 1991-VIII-31

PERTSONAIA

Mikel Powell

Luzerako saltoa nahi zenuen aila ez zen izango oso momentu lasaia baina ondorenean zer nolako jaia bazen errekor hori hausteko garaia.

HARITZ LOPATEGI



Administrazio Kontseiluko Lehendakaria:
MARTIN UGALDE

Kontseilu Editorialeko Lehendakaria:
JOAN MARI TORREALDAI

Kontseilari Ordezkarria:
JOXE MIEL ZUMALABE

Gerentea:
INMA GOMILA

Zuzendaria:
PELLO ZUBIRIA

Zuzendariordeak:
NEREA AZURMENDI
LUZIAN ETXEHARRETA
INAKI URIA

Publizitatea:
KORNELIO ROTETA

Egunkaria

Batzorde Parekidea: 72564 E
Lege Gordailua: SS 800/90

HELBIDEAK

Egoitza soziala, Pulizitatea eta Administrazioa: Antso Jakituna, 16-1. / 20.010 Donostia / ☎ 46 90 22 / Faxa: 45 59 57

Erredakzio eta Tailerra: ANTZA S.A. Industrialdea 01-02 Pabilioak / 20.160 Lasarte-Oria / ☎ 37 15 45 / Faxa: 36 54 93

Araba: San Antonio, 20-1. ezker. / 01005 Gasteiz / ☎ 23 38 72 / Faxa: 23 38 73

Nafarroa: Iratxe Monastegia, 45-13. esk. / (Irrintzi dorrea) / 31011 Iruñea / ☎ 17 80 78/79 / Faxa: 17 80 77

Bizkaia: Barroeta Aldamar, 2-1. eskuma. / 48002 Bilbo / ☎ 423 90 62 / Faxa: 423 94 60

Lapurd / Nafarroa Behera / Zuberoa: 2, Galuperia kaia. / 64100 Baiona / ☎ 59 59 35 75 / Faxa: 59 25 75 11